

Nd.

86. Nefndarálit

um frv. til laga um hækkun á vörutolli.

Frá fjárhagsnefnd.

Vegna hinna erfiðu kringumstæðna landssjóðs sjer nefndin eigi annað fært en að hækka vörutollinn, en henni þykir rjett að ganga lengra í þessu en gert er ráð fyrir í frv. stjórnarinnar og leggur til, að allur vörutollur verði tvöfald-aður, að sjálfsögðu einkum vegna þess, að með því nást væntanlega tölувart auknar tekjur, og einnig af þeirri ástæðu, að með því næst betra samræmi milli tolls á hinum einstöku vörutegundum. Eftir því verði, sem nú er á vörutegundum þeim, sem breytingartillaga nefndarinnar nær til, verður ekki sagt, að hækkunin sje tilfinnanleg. Á árinu 1917 var allur vörutollur tæpar 190000 kr. og með svipuðum innflutningi þ. á. ætti tekjuaukinn að geta numið 90—100 þús. kr. í ár.

Samkvæmt þessu leggur nefndin til, að frv. verði samþ. með svo látandi

BREYTINGU:

Við 1. gr.

Greinin hljóði svo:

Gjald það, sem ákveðið er í lögum nr. 30, 22. okt. 1912, og lögum nr. 45, 2. nóv. 1914, skal hækka um helming (100%).

Alþingi, 9. maí 1918.

Magnús Guðmundsson,
form., framsögum.

Gisli Sveinsson,
skrifari.

Pórarinn Jónsson.

Hákon J. Kristófersson.

Einar Árnason.